

Headline	Kawalan ketat keluar, masuk Kampung Baru		
MediaTitle	Berita Harian Ahad		
Date	19 Apr 2020	Color	Full Color
Section	Nasional	Circulation	56,027
Page No	8,9	Readership	168,081
Language	Malay	ArticleSize	960 cm ²
Journalist	N/A	AdValue	RM 31,788
Frequency	Daily	PR Value	RM 95,364



Anggota polis dan tentera melakukan pemeriksaan ke atas orang awam ketika PKP fasa tiga di Kampung Baru, semalam. (Foto Mohamad Shahril Badri Saali /BH)



Antara jalan yang ditutup di Kampung Baru.

(Foto BERNAMA)



Penduduk Kampung Baru menunggu giliran untuk ujian saringan COVID-19 bagi mengawal penularan wabak. (Foto Mustafa Kamal /BH)

Kawalan ketat keluar, masuk Kampung Baru

Kuala Lumpur: Mulai semalam, polis memperketatkan kawalan di pintu masuk dan keluar Kampung Baru, di sini, selain mengehadkan pergerakan penduduk di kawasan itu.

Tinjauan BH di pintu masuk dan keluar Kampung Baru mendapati, polis dan anggota Tentera Laut Diraja Malaysia (TLDM) mengawasi di setiap sekatan jalan raya.

Seorang penduduk Kampung Baru, Khalili Yunus, 55, berkata, mereka juga hanya dibenarkan membeli barang keperluan dalam kawasan kampung dengan menaiki motosikal atau berjalan kaki.

"Kami boleh keluar untuk beli barang keperluan, tetapi hanya boleh naik motosikal atau berjalan dan tidak dibenarkan keluar dari kawasan kampung."

"Sekatan jalan raya turut dikanal dalam kawasan kampung ini di tiga lokasi bermula semalam bagi memantau pergerakan penduduk," katanya ketika dihubungi semalam.

Khalili yang juga pemandu teksi berkata, dia hanya keluar bekerja sekiranya menerima tempahan daripada pelanggan untuk mengurangkan pergerakan.

"Jumlah pelanggan semakin kurang dan saya hanya dapat kira-kira RM50 sehari digunakan untuk menyara isteri dan lapan anak memandangkan bantuan insentif di umum kerajaan kepada pemandu teksi belum diterima," katanya.

Ketua Polis Daerah Dang Wangi, Asisten Komisioner Mohd Fahmi Visuvanathan Abdullah ketika dihubungi berkata pihaknya meletakkan tiga sekatan jalan raya di Kampung Baru bermula Khamis sebagai langkah memperkasakan pelaksanaan Perintah Kawalan Pergerakan (PKP) di kawasan berkenaan.

Di Padang Besar, Perlis, pintu

sempadan Wang Kelian, Padang Besar-Wang Prachan, Thailand hanya akan dibuka selama empat jam sehari khusus kepada 50 warga Thailand untuk kembali ke negara mereka bermula semalam.

Pemangku Ketua Polis Daerah Padang Besar, Deputy Superintendan Shahrin Azhar, berkata pintu sempadan akan dibuka bermula jam 9 pagi hingga 1 tengah hari bermula semalam sehingga dimaklumkan kelak.

Beliau berkata, pihaknya bersama agensi penguatkuasaan yang lain hanya membenarkan warga Thailand yang menetap di Perlis dan Pulau Langkawi melalui pintu sempadan berkenaan.

"Setakat jam 12.45 tengah hari ini (semalam) di dalam rekod hanya 23 orang melaluinya, manakala selebihnya kita tidak dimaklumkan pihak kedutaan Thailand mahupun Konsulat Thailand di Pulau Pinang."

"Sekiranya nama mereka (warga Thailand) tidak didaftarkan dalam rekod kedutaan Thailand, mereka tidak dibenarkan masuk ke negara itu, jadi sebaiknya warga Thailand yang ingin pulang rujuk terlebih dahulu dengan pihak kedutaan," katanya ketika ditemui di Wang Kelian, semalam.

Di Rantau Panjang, warga Thailand yang mahu pulang ke negara mereka, diberi nombor giliran bagi mengelak kesesakan selain diwajibkan membawa dokumen lengkap.

Tinjauan selama sejam bermula 9.30 pagi semalam mendapati terdapat hampir 60 warga Thailand mula menanjiri pekarangan Kompleks Kastam, Imigresen, Kuarantin dan Keselamatan (IQCS) Rantau Panjang.

Pada jam 12 tengah hari, kelihatan tiga bas tiba dipercayai membawa penumpang juga warga Thailand dari Terengganu.



Headline	Kawalan ketat keluar, masuk Kampung Baru		
MediaTitle	Berita Harian Ahad		
Date	19 Apr 2020	Color	Full Color
Section	Nasional	Circulation	56,027
Page No	8,9	Readership	168,081
Language	Malay	ArticleSize	960 cm ²
Journalist	N/A	AdValue	RM 31,788
Frequency	Daily	PR Value	RM 95,364



Anggota polis bersama anggota TLDM memeriksa kenderaan yang masuk ke Kampung baru, semalam. (Foto Bernama)

Seorang warga Thailand, Ismail Muda 46, berkata dia mula menunggu di hadapan ICQS seawal jam 6 pagi, bagi memastikan dia dapat pulang ke kampung di Narathiwat selepas hampir sebulan di negara ini tidak bekerja akibat PKP.

"Saya tiba di Rantau Panjang semalam (kelmarin) dengan menaiki bas bersama 20 lagi rakan senegara. Kebanyakan kami ini bekerja sebagai nelayan di Mersing, Johor, dengan dokumen kerja yang lengkap dan sah.

"Memandangkan kami semua sampai pada lewat petang semalam (kelmarin), kami terpaksa menyewa bilik atau hotel di pekan Rantau Panjang, di sini untuk tidur dan

kemudian bergerak seawal mungkin ke ICQS.

"Alhamdulillah, walaupun agak penat kerana terpaksa menunggu namun saya bersyukur mendapat giliran," katanya ketika ditemui di ICQS Rantau Panjang.

Di **Johor Bahru**, proses saringan yang lebih ketat dan tegas akan dilakukan petugas Kementerian Kesihatan (KKM) dan Jabatan Imigresen (Imigresen) Johor terhadap kemasukan warga Malaysia yang pulang dari Singapura.

Pengerusi Jawatankuasa Kesihatan dan Alam Sekitar Johor, R Vidyantathan, berkata ia susulan kes positif penularan wabak COVID-19 yang tinggi di republik berkenaan.

"Kerajaan Johor mengambil per-

hatian serius mengenai perkara ini dan akan terus memastikan prosedur kemasukan warga Malaysia yang pulang dari Singapura akan terus dipantau melalui proses saringan yang ketat.

"Semalam (kelmarin) negara jiran kita Singapura mencatatkan pertambahan 623 kes positif baharu COVID-19 menjadikan jumlah keseluruhan kes kumulatif positif di Singapura adalah 5,050 kes.

"Pertambahan itu adalah jumlah kenaikan tertinggi dicatatkan sehingga kini dan kita sudah membuat persediaan sewajarnya bagi mengesahkan lagi proses kemasukan di pintu sempadan negeri sebagai langkah berjaga-jaga," katanya dalam kenyataan, semalam.